



Ez spruchet der die sehtzehen
almehlige got hute in de.
dem heiligen ewangelio.

10
In bürte ist ringe vnd min ioch ist
süße kumpt her zu mir ich wil uch
spisen. vnd wil uch der almehli-
got spisen. daz wil er dün mit alre
ley spise. die wil ich hute nennen
uch allen sament er hat aber mer
spise danne staubes in der sinnen
si. nach manger ley spise wil vns
der almehlige got geben. do er
vns mit spisen wil. Ir herren v-
wer köche künment reche nihtel
niht. die da he vf ertriche köche
die künment reche nihtel. daz halt
ist si. kein so maniger ley spise.
die da zu himel ist. die hat als ma-
niger ley gesmag. als staubes in
der sinnen ist. so habent die spi-
se vf ertriche mit mere dann nün
hande spise gesmag. sie köchen
ez hin. sie köchen ez her. sie bra-
tens hin sie bratens her. siue sie
ez marreht so hat ez doch mit me-
danne nünre haude gesmag. die
da zu himel sint. die künment dez
warin köchens. die spise bereiten
da vns der almehlige got zu gela-
den vnd gebeten hat. wanne sie
da maniger hande gesmag habē.
daz weder ich noch anders ieman
uch da von niemer mere wille sage
kan. wanne ir ist mere danne
staubes in der sinnen. wann ir
danne so vil der edeln spise ist. daz
ez nieman ertrahen kann. so
wil ich uch doch eht nennen. den
worten. ob ieman si der gern edele
spise. daz die destor gerner zu dem
himmelriche komen. dar vns der
almehlige got geladen hat. zu der

wirsdhaft da er vns alle spise
wil. vnd dar vmb hat er di wart-
schafft. so rüch vnd so wehe vñ
so kostbere gemahet. daz sie zu
dem himelrich destor gerner ko-
men. vnd so maniger ley smag
hat der almehlige got diesen spi-
sen gegeben. sy merkent alle sa-
ment welher ley dieser gesmag
si. der da alre ley ist. Der erste
smag den do die erste spise hat. der
hat die kraft als ir zum himelri-
che kome. vnd als ir der spise
nuwen einest empfündent. so zu
hant so habet ir für iemer mere
ügent. ane alter. Gewe ir alten
lute. so seht ir gar gerne alle sa-
ment daz ir üng wernt vñ wor-
det doch gerne alt. seht die vñ
dent ir beide an durre spise erste
vnd an den ersten smake. den
die erste spise hat. vnd woltent
was got mit zu liebe tün vnd si-
ner heiligen müter so tüt ez doch
vmb daz. daz ir iemer ewidiche
lebet. vnd daz ir iemer üng si
als ein kind daz fünf iar alt
ist. daz daz war si daz erzeugt
mān uch an den heiligen engeln.
die sint alter danne sehtzig tu-
sent hundert iar. vnd swo mā
sie malt. do malt man sie and
niht. danne als ein kind daz do
fünf iar alt ist. vnd do von so mol-
tet ir alle gern zum himelriche
kome. die üngen zu den alte
die da he üng sint die werdet
doch gar schu alt. vber sehtzig
iar so sprich man er ist ein alt
man. vnd weget einer sin heu-
bet kein in. vnd sprich er ewane
er ist wol sehtzig iar alt. so wer